



盤山志目錄

帝王遊幸目

唐太宗皇帝

遼太宗皇帝

金世宗皇帝

今上皇帝

文部姓氏目

附方外 作者姓氏附名勝建置中者未容星分具載于後

魏

武帝操

姓曹氏字孟德沛國譙人

晉

盤山志目錄

一

陳

壽

承祚巴西安漢人太子中庶子

王

嘉

子年隴西安陽人苻堅時隱終南山

後魏

鄆道元

善長范陽人安南將軍御史中尉

唐

太宗皇帝

郎

肅

中山人大理司直

公乘億

壽仙魏人咸通末進士客魏博樂彥禎幕府

知

宗附

遼



南 抃 □□ 薊州人少府少監知祕書少監

李仲宣 □□ 薊州軍事判官

真 延 附

金

雷 淵 希顏渾源人翰林修撰

沙成之 □□ 大定進士

孫 設 □□ 大定進士

圓 照 附

元

田 謙

盤山志 目錄

二

姬志真 輔之本名翼高平人至元道士

圓 讓 附

明

方孝孺 希古臨海人翰林侍講

柯 潛 孟時莆田人詹事府少詹事兼翰林學士

金 純 □□ 平谷人

李元陽 仁甫大理人荊州知府

唐順之 應德武進人僉都御史諡襄文

盧 雍 師邵蘇州人監察御史

陶望齡 周望會稽人國子祭酒

蕭九峰

□□廬陵人監察御史

孫承宗

淮繩高陽人大學士謚文正

王衡

辰玉太倉人翰林編修

袁宏道

中郎公安人吏部稽勳中

曹學佺

能始侯官人按察使

傅允宅

伯俊聊城人提學副使

瞿汝稷

元立常熟人運使

黃天全

王道正

□□宛平人按察使

馮有經

正子春坊庶子

盤山志 目錄

米萬鍾

仲詒宛平人太僕少卿

袁和

□□安陽人兵備副使

唐時升

叔達嘉定人萬曆布衣

張元芳

□□薊州人吏部稽勳主事

徐昌祚

呂升凱

□□戶部主事

劉侗

同人麻城人崇禎進士

本朝

孫廷銓

伯度益都人大學士謚文定

魏喬介

石生柏鄉人大學士

蔡士英

魁吾錦縣人總督漕運兵部尚書謚襄敏

方亨咸

吉偶桐城人監察御史

沈 荃

貞襄華亭人詹事府詹事禮部侍郎諡文恪

嚴 沆

子餐餘杭人戶部侍郎

王澤弘

涓來黃岡人禮部侍郎兼翰林學士

王士禎

貽上新城人經筵講官兵部侍郎

李仙根

子靜遂寧人戶部侍郎

董 開

方南吳江人國子司業

翁叔元

寶林常熟人工部尚書

高士奇

澹人錢塘人詹事府少詹事兼翰林侍講學士

盤山志 目錄

四

朱彝尊

錫鬯秀水人翰林檢討

宋 犖

牧仲商丘人巡撫副都御史

王 煥

子于寶坻人惠州知府

顧祖禹

□□無錫人

葉臣遇

修卜臨海人

阮旻錫

疇生福建人

鄭纘祖

遠公福建人

盧 綸

中祕蘄州人

詩部姓氏目

唐

太宗皇帝

李靖 藥師京兆三原人兵部尚書尚書右僕射封衛國公諡景武

陳子昂 伯玉射洪人右拾遺

高適 達夫滄州人淮南節度使終散騎常侍諡忠

金

劉迎 無黨東萊人太子司經

閻長言 子秀本名詠長清人僑居磁陽河南府治中

古仙人

元

馬祖常 伯庸雍古部人籍光州御史中丞樞密副使封魏郡公諡文貞

盤山志

目錄

五

明

薛瑄 德溫河津人禮部侍郎入直內閣諡文清

張弼 汝弼華亭人南安知府

儲燾 靜夫秦州人吏部侍郎諡文懿

唐順之 見前

劉應節 白川維縣人刑部尚書

戚繼光 元敬登州人少保左都督諡武毅

盧雍 見前

王珉 邦器陽城人兵備副使

楊守禮 秉節蒲州人兵部尚書

于達真 覺甫 □ □ □ 戶部郎中

李攀龍 于鱗 歷城人 按察使

王世貞 元美 太倉人 刑部尚書

謝 榛 茂秦 臨清人 嘉靖布衣

王嘉謨 伯俞 宛平人 布政使

于若瀛 念東 濟寧人 僉都御史

傅允宅 見前

黃汝亨 貞父 仁和人 提學副使

孫承宗 見前

王 衡 見前

盤山志 目錄

袁宏道 見前

湯顯祖 義仍 臨川人 遂昌知縣

孫應元

張我慈 仁夫

劉 謙

余 蔭

王中漢

蕭應鳳

張永禎 仲餐 順天人 天啓舉人

高承埏 寓公 嘉興人 崇禎進士

李孔昭 大 四 薊 州 人 崇 禎 進 士

無名氏 二 首

本 朝

今 上 皇 帝 御 製

宋 楫 兩 恭 商 丘 人 大 學 士 謚 文 康

孫 廷 銓 見 前

梁 清 標 王 立 真 定 人 大 學 士

魏 喬 介 見 前

沈 荃 見 前

王 澤 弘 見 前

盤 山 志 日 錄

陳 廷 敬 子 瑞 澤 州 人 經 筵 講 官 刑 部 尚 書

王 士 禛 見 前

朱 彝 尊 見 前

錢 金 甫 越 江 上 海 人 翰 林 侍 講 學 士

高 士 奇 見 前

馮 勗 方 寅 長 洲 人 翰 林 檢 討

孫 岳 頌 雲 詒 長 洲 人 春 坊 庶 子 兼 翰 林 侍 講

馮 瑞 繁 陽 婁 縣 人 監 察 御 史

宋 犖 見 前

李 及 秀 公 愚 王 田 人 兵 備 副 使

喻成龍 武公金州人按察使

王煥 見前

衛台瑞 凡夫曲沃人鄆陽知府

葉臣遇 見前

武廷适 周南大同人武昌知府

何五雲 郇公合肥人泗水知縣

阮旻錫 見前

鄭纘祖 見前

李象葵

陸沆 靜公崑山人

盤山志 目錄

洪昇 昉思錢塘人太學生

朱載震 悔人潛江人太學生

宗元鼎 定九江都人太學生

宋至 山言商丘人

張曆 大年徐州人

魏坤 禹平嘉善人太學生

許國賓 旭菴蘇州人太學生

朱昆田 西駿秀水人太學生

畢大生 雨稼華亭人太學生

陳璋 漢昇江寧人

錢震

無名氏

詩七首見舍利塔上方寺青峰菴遊盤山及贈盤山道者

方外詩部名氏目

宋

重顯

賜號明覺禪師住明州雪竇山

善昭

住汾州太子院

克文

真淨住寶峰雲菴

慧勲

佛鑑住舒州太平寺

正覺

賜號宏智禪師住明州天童山

宗杲

賜號大慧普覺禪師住杭州徑山

盤山志目錄

九

彥充

百堂住杭州淨慈寺

崇嶽

松源住杭州靈隱寺

文禮

住明州天童山

師範

無準住杭州徑山

妙峰善

海印信

北礪簡

本覺一

佛智裕

東山源

秀巖瑞

開極雲

雪菴瑾

寶葉源 以上諸師統見頌古聯珠名字籍貫未詳皆宋元人

明

德清 澄印全椒人中興曹溪稱鷲山大師

本朝

行乾 大博達州人中興古中盤正法禪院

智鼎 鹵菴合肥人住贛州崆峒山

智暹 天盤華容人住通州萬安寺

盤山志 目錄

超見 了宗寶坻人住古中盤

超正 佛藏揚州人住古中盤

超禪 爾靜蘇州人

通起 看雲南昌人住報國寺

常岫 蒼林黃巖人住大千佛寺

智韜 遜菴南陽人住瓜州江門寺

超常 德心滄州人住香水寺

超貴 谷宇遷安人住隆禧寺

超然 曇瑞徐州人

德意 靜然順天人

德 風 石 林 蘇 州 人

德 靖 水 魁 漢 陽 人

明 道 素 堂 平 湖 人

常 鑑 悅 山 永 州 人

盤 山 志 目 錄

十

盤山志卷第六

盤山智 朴纂輯

新城王士禛 較訂

秀水朱彝尊

行幸

唐貞觀十九年上征高麗幸盤山

遼會同二年二月幸盤山統和八年三月幸盤山諸

寺

金大定二十六年九月壬寅幸香林淨名二寺十月

甲辰朔幸盤山上方中盤天香感化諸寺

盤山志卷六

一

大清康熙十四年十月十三日

車駕幸盤山諸寺皆賜金十七年九月二十四日幸

盤山古中盤 御書門外一峰四字 御製詩一首

命僧超正賦詩雲罩寺 御書盤山秀峰四字 衛公

卷 御書樂天真三字二十五年十二月一日

幸盤山青溝禪院 御書唐詩一首二十八字又書

山從人面起雲向馬頭生十字 命僧智朴賦詩

文部

遊盤山賦

唐順之

惟陰陽之陶冶冥賴倒乎兩儀天星殞而爲石駭滿

山之置棋搜萬象以效珍何殊狀而相亞或藉艸而羊眠諒仙術之幻詐或負嶠而虎蹲詫飲羽之神射或躑躑而欲走類靈鞭之叱咤或屹立而不動豈思婦之所化旣蒞隊以縱橫亦累卵而高下紆十步而九曲枉矢乎石罅建礪魄之歷盡忽拔起乎孤峰俯子孫之千億儼高峙而稱宗倚禪宮而凝睇曠天宇之澄空向之紛紛怪石忽若懷寶而藏弓但見夫萬木翦翳而青蔥一勺之泉大旱而不竭今人言其下潛乎蛟龍女蘿薜荔紛披而交暎兮七十二寺隱見森羅乎其中疑有悲歌慨慷之士不得志而自隱與夫仙靈逸客往來而相從欲卽之而無路今時見一二坐僧啓巖扉而鳴鐘侈佛廬之繁夥歷歲久而不蕪饒萬樹之梨粟以衣食乎其從何叢木之岑鬱無一鳥之孤棲餘邊城之殺氣警羽鏃而遐躋泉觸石而鳴箏松受風而響濤時琤琮而乍噎倏悲吟而怒號憶連旬之巡歷饜金鼓之嘈嘈審聞性之不異任羣籟之相遭適儻從而延佇忽四山之曠色謝耳目于送迎向僧齋而偃息恍夢景之如醒覺餘興之未極晨起歷乎上盤境愈奇而路愈棘方躋躬而俯穿又躡足而仰捫驚半踵之在外愁欲度之猿猿得平

柯于高頂接雲間之飛翼山童禿而無木響艸蟲之  
啣啣岫遠拱而戟森岡近繞而弧彎乃下瞰乎城郭  
曾不盈于一環類黃鵠之再舉見紆曲而覩圓方悲  
人生之局促恒豐蔀以自藏眺溟渤之南匯予碣石  
之中巉轉稂稻于東吳駛萬里之雲帆笑卅鍾而石  
致曾不及乎凌波之艫連岡北矚天設檜柅列墉分  
戍隔限戎虜把都打來孰敢予侮嗤熟夷之桀黠乞  
哨卒之餘俎雖燹火之暫虞疑金城之永固惟山勢  
之旣極俄涌塔之天造顯佛牙之先怪騰麗空之碑  
礪覽小道其若斯信精神之爲寶胡俛仰而成陳忽  
徬徨以回步悵中心之有違足屢卻而返顧與流泉  
以偕逝瞻巖阿而長憶豈淹留之無心畏簡書之徧  
及

遊盤山舞劍臺記

李元陽

嘉靖甲申有三河縣張欽者見訪談孫吳之術語次  
因問盤山道路渠對甚悉遂偕之行出京東一程至  
三河宿南禪寺明日至山之西麓時十月望雪紛紛  
下急投村舍不能前逆旅主人相留十六日冒雪騎  
行三十里至一寺樵枯枝炊黍酌酒醉擁落葉而臥  
曉見日出千峰玉立銀色世界絕無纖塵心甚樂之

乃舍馬策杖夔跚以躋從人引繩牽布助予之不逮  
路遶東北折而南見掀脣如白龜者愕然凝視久之  
乃知其爲大石也行逼石下見其地潔如埽度其中  
有人俛首而入則空洞如夏屋中坐一頭陀人問之  
不荅俯無炊迹以乾餼貽之揮手不受然後知其爲  
辟穀隱淪也予因榻其次夜中捫其鼻無息撫其肌  
微煖衲衣不厚而鬢間津津有汗予謂張曰不食而  
能生又何求于世乎歎羨而別十八日徧訪巖壑思  
有若人者竟亦不見莫宿靈塔寺有十餘僧安禪見  
客皆起予以禪機投之應不酬問遂過艸菴宿欲題

盤山志卷六

四

名塔石凍不受墨畱詩乃去上至一寺去頂不遠一  
老僧曝背補衲予問舞劍臺安在曰不知問僧臘幾  
何曰住此三十年矣予驚曰劍臺豈虛傳乎薄莫圍  
火不寐初旭卽欲登頂莽無人迹張乃腰鎌握斧與  
從者二三人斬剔竟日始通一綫之逕乃得登頂頂  
上無土磐石徑四丈許有大字刻云唐李從簡遊李  
靖舞劍臺蓋此石卽靖舞劍處也字約八寸許予亦  
隨攜石工鐫題有頃曰此石名白劬蝦蟇背此時凍  
及鐵筆不入是日千山消雪四望清瑩東指遼海在  
微茫之間南則泰山鄒嶧隱隱如培塿與黃河一線

相爲映帶西北則太行蜿蜒自雲間而下環拱京畿  
令人有挾羽翰遊八極之意從人篝火煠酒以大觥  
酌予天風吹衣暝色遙至下未至寺已昏黑不辯人  
矣名僧問曰舞劍果有臺胡云不知曰自出家以來  
未嘗登頂雖有遊人亦不知舞劍古蹟在也明日題  
詩壁間迤邐而下劍臺在望令人五步一回首十步  
一消息

遊盤山記

王 衡

周季良自東來急要我遊盤山曰我且出而里人武  
生以是贈我武生韻中人也當不誤余曰然則往諸

盤山志卷六

五

裝旣辦而會余友張汝增余姑夫曹懋錫續至遂不  
解鞍而之盤山盤山離京師百八十里出公樂十許  
里而山髻見若黛染頰山頭晡乃至廣濟寺拉寺僧  
爲導走大石澗中水泉寒沁盥濯已而後行厓西一  
古松頂稠結受日光若絺衣方顧而樂之從東厓得  
松似夏奇朱題曰蒼龍乃折中盤下而觀所謂蒼龍  
者破石罅中出駢起而中擢怒枝南傾如渴蚪之欲  
攫遶北而西抵環翠亭亭面山松屏之并東西厓者  
爲三望而第其伯仲焉質明復緣石澗下三里許稍  
上而羣峰相拱提又上則圍山而帶林莫可辯其隈

面其一峰稍遠對松立者九華峰也峰勢稍欲摩天  
意氣漸上而紺宮翠邏又自下以秀色畱之杖策策  
然不能卽行良久穿蔡氏巷西折而陟北岡長城蜿蜒  
界出半如綫沙白浩浩際以濃雲猛風意色慘然  
越數嶺倏墜下俯瞰巨谷窅然深黠百谷之縷紛出  
而繆聚于此又里許而爲上方自盤山而至上方下  
下上上幾百于折行者相望于石根木杪有相忒數  
程而望不盈咫尺者計山形殆蛇縈而瓣襲山故名盤  
谷當不虛抑聞太行發脈于此此其爲小羊腸耶飯  
于上方之臺覽別巘甚勝度松棧而出皆連嶂鬱律

盤山志卷六

六

巨石無根著磽然懸其巔仙人清無影曾巖棲焉就  
其前亭之曰懸石亭亭立四虛空明崇翠鸞環而鬪  
勝余謂季良此致佳處恨無泉耳而仰視諸山壁間  
石膚瑩白若頽墮而下赴者乃真泉影也惋惜者久  
之自此上益陡絕石鼻左昂而外削顧身出懸石上  
已遠足跨跨自戰更百尋而至舍利塔塔標峰首其  
峰肩而隨焉蓋盤山絕頂也疲甚解衣臥已乃遶而  
捫塔巔石磴纔容足罡風橫搏至厲以兩手據石坐  
而行歸甚悔之其西峰爲無梁殿殿後稍有餘地可  
縱立視層沙疊巒回回縈抱蓋盤山之外若有大盤

山焉三河寶坻甘泉長城俱在望而決漭無墟烟井  
陌薰日被磧上黃雲鬱然旣晚下及僧寮僧數輩頌  
誦甚精嚴客有攜火爆來者點塔腰炷明滿山林壑  
撼動僧驚顧余曰咄舍利放炷矣僧不契而罷晨起  
飯脫粟歷長岡下石阪石齧足甚強輿而至泐藏寺  
翠壁若展卷前一陰恰施一庭蔭而休焉又數里雙  
峰塔額隱映樹樾如白鳥踏碧浪中登涉旣憊對兩  
峰頭颯唳鶴坐劃然長嘯而已是日爲端陽所享酒  
醑已空則破囊中雄黃粉糝苦酒中縮鼻而飲之自  
雙峰下走早麓忽東轉望見沉碧丹井者曰百艸窪  
至則棗栗蘿荔羅蒼石而成紋若鱗比然正烈日中  
頓作朝來爽氣想自茲而東愈入蒼蔚其稍下而最  
深者爲天城寺寺當谷口巖壑肩背皆蔚藍紺綠相  
與因依余謂此乃山之曲室悄然殆非人間使當春  
泉漲輿有一二庵翁少女弄鷄雛犬子于湍薄之下  
豈必遜桃花源耶自寺上之三里許爲李靖菴又里  
許爲舞劍臺倦不可復涉則東走爲東甘澗又西折  
而爲西甘澗巨石縱橫偃立泉澀澀附之又五六里  
許至先師臺而止焉臺絕無奇而自臺東視中盤近  
不過十里塋之附桔槔上也如登天然庸知其尚在

寰中耶因相與品盤山之勝松爲最泉當次之而不  
相遭峻則言上方舍利幽則言天城計兩日之程不  
下二百也且步九而輿一使非山靈不愛寶余兩足  
不與易也論者謂天竊于大漠故收靈鬱秀于此理  
或其然且非獨于遊眺足也乃其陵谷多紆委阨塞  
虜馬奕不敢試而又高不據風峻不露骨鋤花蒔果  
盡足以易農然而李愿以後未聞有隱君子也豈其  
有之而不吾見歟抑其忝長安也近風漸于朝市而  
是盤中者非所狎歟余慨然有感焉漫次其勝列之  
山史

盤山志卷六

八

遊盤山記

袁宏道

盤山外骨而中膚外骨故峭石危立望之若劍戟罷  
虎之林中膚故果木繁而松之抉石罅出者嶽嶽蚪  
曲與石爭怒其幹壓雪霜不得伸故傍行側偃每十  
餘丈其面削不受足其背坦故遊者可迂而達其石  
皆銳下而豐上故多飛動其疊而上者漸高則漸出  
高者屢數十尋則其出必半仄焉若半圮之橋故登  
者慄其下皆奔泉天矯曲折觸巨細石皆鬪故鳴聲  
徹晝夜不休其山高古幽奇無所不極述其最者初  
入得盤泉次日懸空石最高者盤頂也泉莽莽行至

是落爲小潭白石卷而出底皆金沙纖魚數頭尾鬣可數落花漾而過影徹底忽與之亂遊者樂釋衣稍以足沁水忽大呼曰奇快則皆躍入沒胸稍沂而上踰三四石水益譁語不得達間或取梨李擲以觀漩折奔舞而已懸空石數峰一壁青削到地石黏空而立如有神氣性情者亭負壁臨絕澗澗聲上徹與松韻荅其傷爲上方精舍盤之絕勝處也盤頂如初抽筍銳而規上爲窳堵波日允橫射影落塞外奔嵐忽來翻雲抹海住足不得久乃下迂而僻且無石級者曰天門開從髻石取道闢以掌山石礙右臂左履虛

盤山志卷六

九

不見底大石中絕者數先與導僧約遇絕險處當大笑每聞笑聲皆膽落捫蘿探棘夏上下僅得度兩巖秀削立太古雲嵐蝕壁皆翠下得矜石云廣可几筵撫松下瞰驚定乃歎世人無拌命人惡得有此奇觀也面有洞嵌絕壁不甚闊一衲攀而登如獼猴余不能往謂導僧曰山上險在背肘行可達下則目不謀足殆已將奈何僧指其凸曰有微徑但一壁峭而油不受履過此雖險可攀至脊迂之卽山行道也僧乃跣蛇矯而登下布以絕健兒以手送余足腹貼石石賦且外敲至半體僵良久足踰健兒努以手從遂上

迨至春始咋指相賀且相戒也峰名不甚雅不盡載其洞壑初不名而新其目者曰石雨洞曰慧石亭洞在下盤道聽澗聲覓之可得石距上方百步纖瘦豐妍不一態生動如欲語下臨飛澗松鬣覆之如亭寐可憑坐可茵開可侶故慧之也其石泉奇僻而蛇足之者曰紅龍池其洞天成可菴者曰瑞雲菴之前洞次則中盤之後嶺也其山壁竊窈秀出而寺廢者曰九華頂不果上其剝宇多不錄奇拔者曰千像曰中盤曰上方曰塔院也其日爲七月朔數得十偕遊者曰蘇潛夫小修僧死心竇方寂子也其官于斯而以舊雅來者曰鍾刺史君威也其不能來而以書訊且以蔬品至者曰李郎中酉卿也

盤山志卷六

十

薊門記 節文

曹學佷

從三河行五十里至盤山之麓仰望其巔青紫迥異浮圖樹石溢于目前旣入山有長泉一道從夾壁飛下鬻石鳴瀼瀼不已壁上劖盤泉二字浴泉而上至中盤寺東折里許左右峰勢拱抱中有亭亭俯松夭矯如蚪龍石谿衍魄礪飛走蹲伏坐臥負立樹多卷曲至地差衍松勢得少舒者上盤寺也負厓而岡夾以峻壁西有懸石亭其陰巖百仞之上有石懸空勢

歷亭表折而東北躡嶺以登嶺將半有石若巨人仰  
天而臥登嶺始見長城又上始見塔山有三盤而此  
據其上塔前有小圓殿累甍爲之

遊盤山千像寺記

孫廷銓

遊盤山者陟其東麓有寺曰千像阻九華峰而居前  
則大壑臨之古祐唐寺也初上二三里漸入松石森  
森磴磴蒼人心目稍進石澗之水隔樹遠聞側瀨淒  
清半嶺而下其過人遠落者松樹漸稠不知聲在何  
處尚谷谷未已過此盤折而行乍上乍下足前卻之  
目左右之身俯仰之森森磴磴百狀于前仰視聳若

盤山志卷六

十一

樓觀下視空谷寂歷林下若有人居視之則屋察之  
則石凡不可以上不可以足之地松石輒益爭之寺  
緣峻阪而升俯逼中深巖具威儀寺僧之闢地而居  
者磴道四懸茶烟磬響出于蒼厓翠壁之上牽引徐  
進輒歷碌于巨石若驚若伏若引若拒立者跂跂攢  
者錯錯墜者慄慄抗者稜稜時時有藤幕之松覆之  
容至此者猿升鶴立拊其背而下窺或枕藉之遙相  
語也其曰搖動石者兩石相戴大于車輪試單臂徐  
引則左右動搖若多人共牽則不復得試刻日驗之  
其動則影爲之移不動則刻如故此又何理也按佛

氏之說心生種種泐生心滅種種泐滅豈其動者是心非石耶若是則影曷移豈其見移者亦是心非眼耶抑薰聞動說畱于意根將不動而動不移而移又皆是耳非心耶莊生有云同我異我誰使正之此不可以儒理測明矣

賜遊盤山記

高士奇

康熙二十年三月二十日鑾輿東巡臣士奇以職在禁近得從屬車越明日道經薊莖盤山翠落人衣裾上念臣性耽林壑命往遊焉凌晨策馬由平谷登大嶺緣仄徑過雙峰寺至李靖菴觀舞劍臺歷青楊

盤山志卷六

七

峪猿攀螳附凌高降深二十餘里至峰頂登彌勒殿及舍利塔俯視盧龍古塞黃花白狼三千里外羹臺濠塹瞭然日中真大觀也憩雲罩寺僧指淨業上方白猿洞天門開諸勝人蹤稀絕悵然久之循山徑遊古中盤十餘里中巖谷深隱積石趾錯泉琤琮流石罅雜離蔚蔚屢引清輿入正泐院仰瞻 御製盤山

詩雄渾高華增輝巖穴夫盤山屹立薊門遠望之渾然一峰入山則奇峰疊出而九華雙峰紫蓋挂月自來爲尤著盤桓起伏百有餘里水石潺潺古松萬株鬱鬱蒼蒼然山之所以獨擅其勝耶至其土人所言

除夜聖燈爲山中靈迹則臣未之信也臣少懷微尚分當隱約窮岫知遇以來待詔金馬門者七年出入于紫宸者又五年早夜兢兢不敢自佚雖遙想靈山有愛嘉名無由欣對豈期豹尾之下遂有閒遊之人登臨永日亦足以融養淳淑遂其所適之性耶雖遐心之可託實君恩之難忘執筆賦詩明其澹泊之志而已

遊盤山記

王煥

戊辰四月扈從山陵事畢十九日返轡薊門宿疾委頓因路近盤山約同人一登覽焉是夜微雨明晨從

盤山志卷六

三

怪子峪投祐唐寺看搖動石經感化寺至亂石邨入山一路雲橫半嶺松盤澗濱山鳥亂唳整花芳馥騎行而前小憩暇甲石敲石煮茗挹松風聽流泉心曠神怡不復知有塵世矣午餘飯古中盤之五松堂仍過少林中盤二寺至淨業菴宿焉晨起由菴前陟嶺而西旭光初上掩映林巒青紫萬狀生氣鬱蔥對此胸中覺有奇趣未易以語言道也自松樹峪下白雲鳴逾峻嶺雲罩浮圖漸入望矣轉盼之際濃霧四塞數步之外目無所見衆人或步或騎皆有懼色寺僧延入飯登浮圖霧氣愈重一望茫茫如蓬萊頂上觀

滄海真絕世奇景也北眺長城杳不可得下至桃園  
洞看石筍雙峙若巨人卽俗所傳將軍石也復度數  
嶺至青溝禪院訪拙菴和尚語久雨作供素饌欲畱  
宿衆不果住冒雨而行山險路滑雖引騎不能乘也  
至衛公菴登舞劍臺天氣漸晴回望絕頂浮圖歷歷  
如畫南下抵天城寺共宿僧寮又明日衆友歸余以  
疾未愈兼與葛簡之有約在山候之復至青溝談詩  
說禪至夜半有紅光閃閃大如車輪橫空而過山僧  
云是佛燈也余驚訝歎異久之就寢又明日偕僧香  
巖水魁自嶺北東折過紫蓋峰又東抵西架茅堂數

盤山志卷六

古

椽荆扉半啓仰望峰巔有天門開三字隱現樹影中  
因迂迴登陟至其下字徑五尺傍書北海劉應節五  
字筆畫矯健殊色宛然遙想前人風流如在用布索  
絕下探白猿洞幽奇險峭莫可名狀上復折而西再  
登雲罩寺金鷄嶺此盤之絕頂處也舒目四望遠察  
纖毫非復前日溟濛之象寺僧畱午飯下歷青楊澗  
藏雙峰諸寺皆梵宇敞傾金碧凋落曲徑苔封禪關  
塵瑣不能駐足時已向莫遵山麓騎行再宿天城寺  
又明日病小愈歸省拜埽隴墓至廿九日偕簡之入  
山登中盤階前芍藥甚盛畱連片刻至古中盤坐五

松堂上蚪松盤曲庭除盡綠微風披拂與茶竈雜作  
濤聲茶罷殿前瞻 御書碑復踰後山嶺峻路窄怪  
石嵯峨或危立如羣象或眠互如巨蟒或如老蚌之  
向月或如蹲獅之瞰雲與簡之畱覽驚歎晡至青溝  
拙菴一見而笑曰五日三遊山水之情何深耶老僧  
居此幾廿年固未見第二人也夜飯後步中庭聞梵  
聲有異詢之乃天竺僧相見而笑約與明日遊晨起  
自西陂踰北嶺復東折過紫蓋峰小憩古雲根登威  
少保凌雲臺故址遙瞻嶠嶢峰緬想當年鏡吹清歌  
華筵舞袖賓從如雲旌旂映日真壯遊也今則蔓艸  
荒烟杳無人迹徒深憑弔之感不覺長嘯響震山川  
命僕斂松塔埽敗葉堆石爲竈烹茗共飲飲罷至上  
方寺沿路尋古碑殘碣回首天門奇拔聳峭迥異羣  
峰雖摩詰雲林未能以筆墨彷彿也復踰嶺至白雲  
鳴接引菴平岡百餘畝徧植梨棗杏栗濃陰陂阜席  
地氍毹菴僧炊飯飽餐鼓勇遊黑龍潭是遊也余與  
簡之拙菴香巖不退及梵僧三人從者六人拄老一  
人共十五人迤邐而前行六七里則兩山率嶺高插  
雲漢亂石嶙峋平堆澗底或一二里一轉或百餘步  
一折前望似無公路回顧不見來路行者皆蚓伸螳

附猿躍熊攀或奮臂而爭趨或倚筇而待力前後參差各不相及時爲呼嘯以代鼓行一路奇峰怪石埜獸山禽異卉濃花流泉淙澗應接不暇而望所謂龍潭者杳不可至又數里忽見巨石虹亙清流練垂苔紋蘚迹曠日生輝如濯足錦江邊也下有潭狀若黼澄碧鑿須眉而深不見底四圍石浪旋生如蚶殼眞神工鬼斧疏鑿而成非有靈物安能如此余謂梵僧曰西天亦有此乎僧搖手而笑衆皆咋指瞪目驚怪悚慄咸請歸焉余聞尚有三潭倍稱奇異因強簡之暨二僧從石棱上蹲伏而過餘悉返舊路三梵僧亦翩然失所在矣時日影衰暝山勢逾逼突兀險怪與前山奇拔竦峭之勢又別盤旋曲折約七八里忽聞人聲就而詢之指云三潭在卽乃令牧豎引至俯瞰潭中水色深黑蝸涎苔蘚積滿峭壁間氣象陰森腥風忽起令人毛髮盡豎足不能畱下坐石上少頃取路投龍泉寺寺外清流環遶果木盈岡樵牧相呼鳴禽投樹恍如仙源乍返人世也借榻僧房與簡之訂次日出山遊水峪寺

盤山志卷六

六

盤山記

阮旻錫

盤山壁立薊門遠而望之四正如一渾然一峰耳入

山中則奇峰疊出盤桓起伏百有餘里故又名盤龍  
峰皆累石而成石磊磊然泉穿石罅而出水淙淙然  
介泉石間者古松羅列鬱鬱蒼蒼然夫山有石矣未  
必千峰皆石無膚寸土也泉矣未必萬壑皆泉隨處  
可挹也松矣未必萬松偃蓋中鮮雜樹也斯則山之  
獨擅其勝者乎歲乙卯秋仲余同遠公諸君路出三  
河取側徑踰數嶺至衛公菴顧瞻泉石而歎有似吾  
島中山也登舞劍臺攷唐史公爲定襄道行軍總管  
豈當日或登此峰歟晨歷青楊峪猿攀螳附可二十  
里至上盤禮定允佛舍利塔右一峰黃龍祖師殿也

盤山志卷六

七

俯視八垠如觀掌果最奇絕者是日秋清氣爽望盧  
龍古塞黃花白狼三千里內羨臺濠塹瞭然睫中而  
塞外山特高峻屹立萬仞橫絕北紀始知大荒之外  
別有五嶽三山而甕底醢鷄井中鼃蛤爲見小也莫  
宿雲罩寺望上方靄靄蒼厓間僧言九華峰最豔麗  
寺曰千像唐開元寺也天門開兩巖相揖厓懸壑絕  
必絕而後可登戚繼光袁宏道而後無繼者若夫懸  
空搖動諸石及潭洞有黑龍白猿之勝竟以人蹤稀  
絕悵然者久之次日從山腰下古中盤詢寶積大師  
道場則荒蕪久矣山中靈迹有除夜佛燈之異燈出

自通州孤山塔上中分爲數千百朵遠遶盤山諸寺  
至定光佛塔而止或曰塔中舍利光也噫世人終歲  
勞攘迫除之夜方將與妻孥團圓杯酒間孰肯向空  
山寂靜冷然借僧牀一覺哉而余久客燕山亦終未  
能一觀可慨也夫

盤山記

鄭纘祖

背盧龍而俯漁陽有山旁礪高插雲霄者爲盤山山  
巔下視邊防諸塞延袤數千里若環堵然塞外層巒  
疊巘環雲堆翠若培塿然屯絮然蒼茫一望氣壓大  
漠而州邑之繡錯川原之繚繞靡不歷歷可數宛在

盤山志卷六

六

殿掌間此真天府之雄觀矣而山故饒奇松怪石水  
則或瀉崖端或穿石罅吃噲曲折七慮數十百道絕  
類吾閩中而自燕以東則未嘗或有也余以乙卯仲  
秋來遊此山夜宿峰頂翫月時維秋中澹雲不染河  
漢無聲仰睇一輪俯察羣類無不可以指顧得者而  
夜氣迴合流光上下微風搖曳塔鈴時響余不能寐  
主僧言山爲唐寶積大師卓錫地最高爲挂月峰定  
允佛塔累其上每歲除夜佛燈放自孤山初出一燈  
憩樹上條分爲二爲四以至千百億經百餘里繹絡  
而前繞塔而止遠近畢見亦佛刹一奇觀也余惟佛

以泐身能作千百億身之衆則以一燈而現千百億燈之多也然余雖不及見佛于燈猶獲見佛與燈于月清輝濯空一碧萬里自謂此景更不易得而私喜其有薄緣于山靈矣明日抵古中盤登李衛公舞劍臺東望九華天門悵然而返而余因有所感焉肩背單薄之憂自都燕已然矣其東則遼海管幼安之所棲也北出盧龍魏武之所以破烏桓也屹然隼雉之堅金城猶昨徐中山戚少保之遺烈猶有存焉者乎而獨是山兵燹不經梵響時聞歷唐宋以迄今茲巍然雄峙豈升沉得失治亂興衰固在乎高厓斷谷焚水閒雲之外耶則一登眺間而感慨係之余又不知其何心矣

盤山志卷六

九

十一

盤山志卷第七

盤山智 朴纂輯

新城王士禎 較訂

秀水朱彝尊

詩部

于北平作

唐太宗

翠壁駐戎軒，盧龍轉旆遙。  
山麗如綺長，流縈似帶  
海氣百重樓，厓松三尺大。  
茲焉可遊賞，何必襄城外。  
同呂員外酬田著作幕門軍西宿盤山秋夜作

高適

盤山志卷七

一

磧路天已秋，邊城夜應永。  
遙傳戎旅作，已報關山冷。  
上將頓盤阪，諸軍徧泉井。  
綢繆闢外書，慷慨幕中請。  
能使勳業高，動令氛霧屏。  
遠途能自致，短步終難騁。  
羽翮時一看，竅愁始三省。  
人生感然諾，何啻若形影。  
白髮知苦心，陽春見佳境。  
星河連塞絡，刁斗兼山靜。  
憶君霜露時，使我空引領。

盤山招隱詩

劉迎

谿山不難買，所費千金儲。  
不如數峰雲，朝昏對吾廬。  
交遊豈無人，轉盼傷離居。  
不如吾兄弟，相應如笙竽。  
左侯薊名族，溫溫器璠璵。  
身雖市朝寄，心與功名疎。

伯也亦可人文華炳於菟風神竝魁偉襟韻含冲虛  
平生一片心緣塵不關渠相期有幽事歲晚山林俱  
綵服照黃冠歡呼奉親輿大婦侍巾幌中婦供庖廚  
諸孫戲却前翩然鳳將雛朝采南澗芹莫漉西谿魚  
烟霞入杖屨風月來窻疏觀竹上巢雲禮佛登香爐  
紅龍雪浪漏白塔蒼烟孤冰絃寫天籟茶甌泛雲腴  
快哉天下樂俯仰餘何須正恐左太冲招隱昔所無  
寄題薊丘僧房

道人休去白雲邊老矣分明嬾瓚然參學誰能知許  
事退休聊得息諸緣忘形馬迹車塵外適意山光水

盤山志卷七

二

影前想得松根憩寂莫壞殘雲衲半垂肩

盤山招隱圖

閻長言

畫出中盤望隱歸鳴珂朝馬尚遲遲賦詩未敢輕相  
誚卻恐吾山也勒移

盤居李氏

馬祖常

京塵弊盡洛生貂高隱盤居獨寂寥李愿固充周士  
貴黃公還受漢家招山中白石饑來煮爐裏丹砂靜  
後燒夜讀五經同異處夏嫌秋樹響風颺

遊盤山寺

薛瑄

秋高遊古寺俯仰興悠悠塵土禪燈暗龍蛇畫壁幽

艸深埋古砌天闊芑層丘欲問無生滅寒泉晝夜流

登盤山

儲 燿

遠望遙岑散馬羣亂泉激石響穿雲萬山高向層霄  
插一水袞從兩寺分啄木鳥飛平地見飯僧人語半  
空聞紫萸黃菊兼紅葉爛醉西風對落蘊

山居詩

唐順之

捨榆徙海鵬鳩笑續短截長鳧鶴悲山翁未解稭生  
癖垢面蓬頭也自宜

九日戚都督招集盤山寺

劉應節

盤山志卷七

三

祇林樓閣倚嗟哦風雨重陽載酒過絕塞山盤滄海  
盡九天秋入太行多出車今見周方叔題柱從聞漢  
伏波忽報羽書思猛士凭高同和大風歌

登盤山絕頂

戚繼光

霜角一聲艸木哀雲頭對起石門開朔風邊酒不成  
醉落葉歸鴉無數來但使雕戈銷殺氣未妨白髮老  
邊才勒名峰上吾誰與故李將軍舞劍臺

漁陽道中望盤山因寄于戶部覺甫

盧 雍

十年見說盤山勝馬上今看紫翠重乘輿便須凌絕  
頂題名還擬記行蹤雲間可辨層層路風過時聞隱

隱鐘東道相逢誰是主松間攜酒待司農

偕覺甫登中盤

有約尋山作勝遊路回虛谷轉深幽塵纓聊向清泉  
濯詩句還從峭壁留隔庵疎鐘初落日懸厓老樹幾  
經秋烟霞有許移家住願疏君王早乞休

又次楊秉節韻

林迴路轉失西東峰秀遙看面面同薄莫殘鐘催海  
月中宵清梵雜松風顛巖攀陟窮人力怪石安排屬  
畫工望望蓬萊渾不遠仙家時有鶴書通

夜宿中峰次儲柴墟壁間韻

盤山志卷七

四

山房夜宿起徐徐物外身心已泊如竹榻偶陪禪客  
語石甬還覓異人書雲林虛寂塵凡遠埜服道遙禮  
汰疎莫訝登臨當歲晚東風正是發生初

次趙叔鳴壁間韻

亂石離離虎豹羣峰頭不雨亦生雲百千萬折路猶  
險下上中盤界自分歷陟豈辭窮日力奇觀真過往  
時聞何當雪月看佳色尤勝朝霞與夕曛

又次覺甫韻

山前鷄犬自成邨山頂禪房不閉門遊客欲隨僧共  
隱古松應與石常存行逢峻嶺還停騎坐俯清流自

洗樽煩惱欲除除未得塵中醉夢日昏昏

何燕泉太僕嘗登是山僅及中盤而止因次柴

墟韻奉寄

鳳翅石龍巖  
俱在上盤

何郎遊典止中峰絕頂何緣一寄蹤短句多應被山  
惱長林先已著雲封未看奇石如翔鳳豈識孤巖有  
臥龍他日可能追勝賞還須補屐遠相從

中盤東麓有石壁奇峭上刻紅龍池水四時不  
涸修篁古木掩映其間

行過中盤再計程紅龍池水四時清疎篁自傷幽巖  
上古樹偏當絕澗橫老衲休糧如有病好山與世本

盤山志卷七

五

無情輿臺莫喝松間道險語先教鬼魅驚

坐廢藏經閣遺址望絕頂邈不可即

未從仙客借鸞車絕頂遙看路轉賒廢閣有基荒艸  
莽斷碑無字委塵沙也知此地堪逃世猶悔當年不  
出家見說開山僧悟道白猿時獻洞前花

偶于敗葉間搜得斷碑四片別蘚合而讀之有  
元人棲雲王瑱題上方蘭若詩因次其韻

石路轉復轉雲林深更深前峰團紫蓋上剝布黃金  
苔蝕殘碑字風傳清磬音悠然坐終日銷盡利名心

登臨力已倦下嶺復盤迴好景看不足幽期許再來  
搜奇得古刻擇勝了餘杯欲去還畱戀裘陽故故催  
和盧師卻望盤山  
王 玘  
行臺胸次饒丘壑暇日尋幽不厭重烟樹每勞瞻望  
眼雲山多記去來蹤情高孤嶺清秋月興逐叢林莫  
夜鐘問俗偶來成遠眺題詩到處寓憂農

同于覺甫遊盤山上方寺夜坐 楊守禮

聯鑣不愧謝安遊雲澹林巒景色幽飛鳥一聲山寺  
靜倚厓千樹曉雲畱松花繞澗僧供茗竹葉盈壺客  
醉秋佳景幾人能共賞西風塵事總休休

盤山志卷七

六

又

有客促命駕乘輿入山遊莖鶴迎人舞寒泉遶寺流  
老松蟠怪石落葉空溝愛此忘歸去裘陽不暫畱  
同楊秉節遊上方寺 于達真

石磴巉巖恣遠遊上方樓閣迥清幽雲山不逐高僧  
沒殿宇還爲豪客畱小徑黃花驚晚節深林紅葉動  
高秋空堂坐共無生話悞卻塵緣萬事休

又

坐看青烟上碧林空山氣候曉陰森哀猿夜聽禪僧  
倘好鳥時同遊客吟惜景捫蘿登遠岫尋詩倚杖望

遙岑諸峰尚有登臨處倦倚寒厓力不任

同盧侍御遊盤山

小徑何堪引使車漁陽城外路非賒登餘峻嶺逃深  
谷落盡寒泉見淺沙寺近雲霄唯鳥道峰含烟火卽  
仙家明春準作重遊計擬上寒厓覓早花

又

縱馬看山不計程殘冬烟火望來清泉聲落澗鳴還  
咽石磴攀雲縱復橫白鶴堦前如有約蒼松厓畔似  
含情追隨杖屨題新句淺俗能勞過客驚

又

盤山志卷七

七

輕輿小隊度荒邨來扣禪僧月下門老樹槎杈枝已  
盡殘碑剝落字猶存閒瞻素壁多畱句笑共烏臺一  
倒樽欲徧諸峰最高頂不堪衰日易黃昏

和唐人韻

山勢如龍漸迄東高峰晴暎晚霞紅  
曉旣迷卻歸來路倚杖遙呼問笠翁

又

峭拔峰巒不記層青鞵暇日幾回登  
上方借得巢雲榻一枕蘧蘧伴笠僧

奉和楊廉峰侍御莫春薊門校士畢同劉大夫

于兵憲讌集中盤寺

蛇盤山勢與天通，虎踞幽燕今古雄。  
不斷浮雲來薊北，相邀春月上灤東。  
清池波動桃花水，細路風嘶御史驄。  
自昔漁陽兵馬地，幾多休暇坐論空。

荅謝茂秦遊盤山

李攀龍

愛爾躋攀處，奇蹤滿報章。  
山盤元氣出，寺抱翠微藏。  
拂石搖天影，披花帶雨香。  
千峰回白首，萬壑步清霜。  
鼓角關榆墮，旌旂塞艸長。  
陰風來大漠，秋日下漁陽。  
海色秦城外，邊聲漢苑傍。  
欲因臨望代，遂得紀金湯。

登盤山

王世貞

盤山志卷七

八

禪主空祠恆嶽回，誰憐盤嶺抱燕臺。  
層巒不盡青天去，亂瀑雄爭大壑來。  
共指丹梯安薜荔，還扶蠟屐破莓苔。  
銀河只在微茫裏，欲取寒杓作酒杯。

登盤山絕頂謁黃龍祠

謝榛

薊北來遊第一山，上連七十二禪關。  
人行巨壑泉聲裏，馬度層崖雲氣間。  
石徑蕭蕭風吹冷，萬折千迴臨絕頂。  
鐘響時傳下界遙，鳥飛不到諸天迴。  
無勞漢使泛槎心，揮手銀河能幾尋。  
歷歷邊城紛螳埽，明明滄海一牛涖。  
老僧笑指烟霞外，此意沉冥誰與會。  
風生平地本無因，雲點太清猶是礙。  
弔古脚躡空石堂黃。

龍西杳杳茫茫珠林不見菩提影寶塔長含舍利光  
壁塵拂杳獨畱賦下嶺回看迷曉霧放浪人間那復  
來月明夢繞盤山路

周刺史約遊盤山不果

于若瀛

薄莫脂征輪沙起知天風茲來限于役倉皇玄州東  
林端立危嶂蒼翠刺雷空杳靄不可卽須臾冥雲重  
况有同年友守茲芳譽叢殷勤約我遊未及憇微躬  
徒爲山靈笑躑躅歲將窮寄言探奇者幽興終來同  
玉田縣憶盤山

盤山志卷七

九

泉石生平頗有興廣川東去思紛紛山程窈窕風霜  
外小縣蕭條虎豹羣搖落關河詩總廢支離懷抱酒  
能醺曲肱此夜歲將莫何處天開盤谷雲

夜發三河望盤山不見

去年望山山色蒼今年夜行天雨霜颺卷飛沙暗巖  
樹天垂昏霧寒星芒陰陽明晦鳥雙逝今昔行藏人  
獨傷別山向余弄朝色回首盤峰空渺茫

盤山同朱章夫對月

傅光宅

登臨暫得此身閒共醉芳樽宇宙閒明月一輪天萬  
里數聲清嘯響空山

遊盤山

王衡

塞北山河百二重太行雲氣入提封泉爭亂壑時縈  
馬谷響虛巖半是松紫邏烟花當九月青天雷雨入  
雙龍朝來策杖中盤寺指點經行第幾峰

又

孤筇短笠乍低昂翠碧丹楓引興長片石倒懸流水  
路斷厓剛掩薜蘿房諸天影裏沉西界袞月林中見  
上方繞盡寒空不知路冥冥鐘磬遠相將

入盤山

袁宏道

分明真山子的的有畫意風霜勻粉丹雲霞綴錦地  
一皴一百仞雕鏤入空際瘦骨間青脂蒼勁有餘媚  
天紳秣頂垂仙藥披襦被蚪松百萬株黏石無根蒂  
峰峰有活石石石挾仙氣一石置一山一山一點翠  
散作諸巒巖分身可千計

盤山頂

摩天抽碧簦俯不見鳥背西日照塔輪影落重邊外  
叢髻瘦仙人玉冠蒼水佩貌古骨奇清見者肅而拜  
浮空日颺雲足底呈光怪或聚或披絲或舞或澎湃  
千里聽風鈴飛花落遙塞一萍一青山一點一人界

遊天門開

發足自髻石彎環可四里一步一驚魂路荒不容趾

黏背行刀脊下視深無底狂嘔構虛空癡石綴癡瘡  
其沙生以墳其骨汗而泚其艸油以絲其樹糟而圮  
忽然礱确巖忽然崩騰水忽而沒九天忽而九淵起  
健夫引長繩半日一移趾四肢互相用臂行足以視  
或如鴨折身或如丁旋尾或如穀出穀或如礮引跪  
又如研古繪蟲蠹蝕絲理又如讀殷盤聳牙釘鼻詭  
當其快心意虛空躍繩伎少焉筋力疲蚊虻撼犀兕  
須髮生烟嵐肌膚碎荆杞百苦到門相對唯口哆  
雙壁削青銅飛鳥不能止一匣銜古堯方空如水洗  
陰陽工刻轆霜雪恣摩砥萬古貯雲霞石紋繡青紫

盤山志卷七

七

敗桐蛇腹段古鈕嶢螭螽詰曲史籀畫斑駁硃砂藁  
僧言三十年茲石未沾履往時威將軍架空一遊此  
長老傳白猿今來猿亦死是時七月初寒肌生粟子  
引指人人危回家面面鬼歸來問僮僕髭須白餘幾  
破網取珊瑚拌命競奇傀

石雨洞

山僧問亦不知名凹處惟將腹背行石骨數拳泉一  
縷遊人多少只聞聲

送陸生從軍薊門

湯顯祖

盤山秋影挂盧龍別道萋烟入喜峰但得轅門能拜

將邊牆何用兩三重

奉陪中丞楊公登盤山

孫應元

五原賓從逐高軒  
山寺憑虛敞  
澗澗界雲霞  
瞻色相上方  
鐘鼓隔人天  
慧燈夜滿  
菩提樹  
藹蒼苔  
晴開太液蓮  
勝地登臨能幾見  
塞垣燧火正無烟

又

盤谷招遊夏木清  
天風呼雨過蓬瀛  
山藏竦宇乾坤氣  
峽涌龍濤日月明  
飲折荷筒催彩筆  
歌翻紈扇浥金莖  
遲回好祝山靈護  
琪樹玄猿莫漫驚

盤山感懷二首

有序

張我慈

盤山志卷七

七

民依于田有田有租  
盤麓之北高原成  
汗烏乎悲哉  
民用以茶余遂爲盤山行

余遊紅龍之陂中盤之拳上矚百尺之高峰下臨萬頃之長阡烏飛不能過兔走不能收佳木夾道而蔥鬱流沫激石而潺湲從人指我以三河之北三屯之西一望渺目沙瀾水填幾年高岸爲深谷幾年湯滯爲桑田蕩產廢業征輸不前民愁財瘦已如此況兼樂土涯而成川余亦浩然長歎潸然涕泣願言安流順大化毋使萬室如馨懸

又

和不可恃寇不可啓恃和弛備啓寇納侮皇赫斯  
怒式昭聖武余遂爲中盤偶感

我愛盤山曲高尋第一峰晴嵐分曙暝古徑入鴻濛  
荒寺何年剏邊笮此地叢血深人不戰矢激馬嘶風  
豈是口兒健由來廟算工乘城堪伏鷓遣將失飛熊  
養士虛糜廩耽懷久廢弓宋人應闕略漢主自英雄  
五餌非長策三關詎可通按圖知大漠出塞亦玄同  
聖祖河山舊戎王指掌中書生多慷慨談笑有膚功  
登盤絕頂  
蕭應鳳

盤山志卷七

七

聞說盤山勝當年是鬼工移將多怪石疊作一崆峒  
寺傍雲根竦人從鳥道通烟消關氣紫日出海波紅  
萬壑爭飛瀑雙峰半倚空憑虛凌絕頂極目思無窮  
余從北道登絕頂沈太守襄高參軍謙寧則南  
上中盤寺相候遊覽旣徧題詠頗多欲下山  
阻雨

盤山世應少此會亦云稀攀陟岐林麓棲遲共翠微  
寺靈龍聽汰谷靜鳥忘機千澗分還合孤雲去復歸  
選勝爭攜藻談空每拂衣最憐山好客遣雨護禪扉

薊州道中

張永禎

匹馬漁陽道休嗟行路難霜林無定葉秋水有餘寒

古塞襄陽下征鴻亂葦殘盤山凝望裏烟外出層巒

望盤山

高承埏

中盤雲氣下盤生紫蓋峰高晚獨晴安得時平解塵  
組白松樹底飯黃精

登盤山絕頂

李孔昭

絕頂盤空際登臨近日華一峰鄰造化四顧俯雲霞  
東海神仙宅西山帝子家連氛遮不見余意滿天涯

山居

夙昔志曠閒奮毅脫俗累日急食與眠餘若悉可已  
澹極精神生隨意娛筆紙當暑臥南軒客至常不起

盤山志卷七

十四

忘謝送迎失坦然廢冠履捫心無是非何暇計譽毀  
白雲上古來就我行復止好客嬾貰酒清談願移晷  
太畱皆自然交情信如水吾方學艸木委形陰陽裏  
倘人怪我真棄置同泥滓

盤山

無名氏

盤山高巍巖半入青雲裏中間最上峰夏向天邊起  
行行白石厓六月不知暑

又見上方寺東鑄絕壁

秋風黃葉口危厓遠上盤山石磴表君昔有言歸李  
愿山今無主只楞伽高峰蔽日雲霄上古剎凌空歲

月矚□□倚關□□□老僧□錫□□□

盤山志卷第七終

盤山志卷七

五

盤山天美景奇異地偏靈巖洞神仙隱泉潭龍水精  
浮塵幻欲去真樂目心中來往青雲容恍然如玉岑

李昔齋句

盤山志卷第八

盤山智 朴纂輯

新城王士禛 較訂

秀水朱彝尊

詩部

盤山

宋 權

山水何奇絕。高秋快此行。千層盤路轉。萬壑暗泉爭。  
天外懸松影。雲根度鳥聲。夏憐紅樹色。遠近向人明。  
孝陵會葬畢。路入盤山書所見 孫廷銓

塹曠烟千頃。山迴黛一圍。已諳林下路。纔作暑中歸。

盤山志卷八

一

又

急雨連滄海。羣山赴薊門。客懷無遠近。嵐氣足朝昏。

又

山空一徑幽。林外樵夫語。驢迹印沙塵。昨夜前邨雨。

又

青嶂有劃合。遙見中盤寺。何處落清鐘。臨風時一至。

又

石上蒼松古。雲中碧寺深。欲持調象力。來制毒龍心。

千像寺同李坦園相國王思齋學士作

晴雪帶蒼巒。松谿路幾盤。磬鳴泉暗落。巖立屋懸安。

一杖千峰翠雙林萬木寒那能堪累月清福近仙壇

憶盤山

魏裔介

盤山信靈異昔日我曾過流水鳴深澗奇峰矗斷阿  
喫茶消歲月入定閉烟蘿莫問宗門語閒雲處處多  
遊古中盤拜觀 御書畱贈佛藏大師

沈 荃

丹梯百折到中盤塔影凌層萬仞看石罅泉聲如玉  
夏庭陰松勢作龍蟠白雲深處畱仙錫紫蓋峰頭望  
翠鑿御墨淋漓霄漢上天香縹緲護旃檀

又贈佛公

盤山志卷八

二

門外千峰共一峰禪關白日雨花重虎谿欲別還相  
問蓮社他年許暫容

同洪昉思遊盤山三十韻

王澤弘

盤山屢經過登陟蓄意久使節無停車悵望空搔首  
茲遊慰宿願偕往得良友新霽衝泥塗朝旭射林藪  
遠矚列翠屏始覺入山口是時仲春交風日况善誘  
繁紅花坼杏細碧葉垂柳幸攀弱蘿末畏眺絕壁後  
同人惜馬力舍騎坐且禿百折歷山腰衆峰悉培塿  
巖峭松屈曲厓崩蘚深厚翠蓋舞虯龍斑紋繡蝸蚪  
五峰聳太清嗟哦若襟肘八石環濼雲巖欹若盤紐

登頓坐霄漢延眺憑戶牖下界列陰晴低檻宿牛斗  
截業千丈石位置五丁手懸空屹不頽如有神靈守  
力疲至絕頂方廣不盈畝足畏罡風烈心悸崖壁陡  
朋好歎竒絕僕御仍私詬墊藪對山僧林歌聽樵叟  
明星見長庚微陽漸沒酉清梵震遙林素輝上崇阜  
萬壑號松風如聞虎鳴吼侵晨披衣坐鴻濛氣未剖  
雲霞倏開闔烟嵐遞紛糾幽勝思卜鄰聲聞願離垢  
何爲棄寶珠徒知矜敝帚終老棲三盤浮名復何有

又

半生只愛隱巖阿每到看山感慨多翠樹層崖懸瀑

盤山志卷八

三

布白雲絕巘挂烟蘿天畱八石披榛坐人歷三盤策  
杖過對此始知身世幻浮蹤無定悔蹉跎

重入盤山至青溝迴

頻年每憶盤山勝今日重過亂石邨梨栗成行圍艸  
屋澗谿分響共泉源尋僧始涉青溝險別友迴看紫  
蓋尊無那塵勞催我忝平明衝雪到黃昏

望盤山有感

薊門首夏似涼秋重過盤山憶昔遊疊嶂何心猶壁  
立孤蹤無著尚萍浮結茅擬入雙峰隱砥柱誰將八  
石畱白首京華綠底事對人那敢說歸休

入盤山至中盤寺望絕頂諸奇勝顧念歸路不  
得徧遊爲詩寫懷

陳廷敬

我聞盤山七十二佛寺寺寺落花流水中古木分徑  
延客入谷口往往聞微鐘稍喜怪石堆磊砢位置天  
巧煩神工飛巖百尺下澗水谿流時帶殘香紅山深  
日表意惆悵車馬行色何怱怱中盤凌嶒倦登陟僧  
言奇詭焉能窮衛公舞劍臺最古磨厓勒石真豪雄  
天門中開飛鳥過巉巖削壁雙青銅絕頂塔輪照西  
日影落塞外隨長虹我行荒徼困鞍馬親按唐壘尋  
遺蹤春風血染邊花赤夜雨苔生戰骨空誓臺艸木  
莽岑寂將軍片石青山崇此來探勝樂幽闕翻增惋  
歎愁心胸孤峰飄忽不可到還顧所歷烟濛濛歸途  
草草罷遊覽他時蠟屐扶短筇

盤山志卷八

四

寄盤山拙公

王士禛

聞師敷坐處地近古中盤煨芋爐灰冷懸燈雪屋寒  
六塵浮幻盡五字苦吟安柳樨橫肩忒空山問嬾殘  
苔盤山拙公見懷

橫歷

懶

一鳴白雲新活計三間茅屋舊家風夜來夢踏琉璃  
境路指中盤更向東

送宋牧仲之官通潞

憶上盤山正莫春山中吟望苦逡巡而今持節京東  
路恰與盤山作主人

謝拙公惠芝

寄書已十載見面一何遲忽有山中信來當歲莫時  
欲尋清淨退叟訪人天師不遇商顏叟無因茹紫芝  
題拙公寫真

雲門像裏見春容紅杏千林一樹松何日從師聞寶  
鏡青溝蘭若子時鐘

寄拙公

盤山富蘭若近若一鷄飛縛屣花林忒風吹屈綯衣

盤山志卷八

五

較盤山志竟賦寄拙老

選佛場非遠青溝講席開常言行腳忒何日打包來  
彌勒同龕處英雄舞劍臺薊門春樹裏東望興悠哉

退朝雪中懷拙公

東望盤山二百里年年結束負行賸偶逢金水橋頭  
雪忽憶梅花樹下僧鉢裏伊蒲常施鳥岩中瀑布幾

成冰丈夫一事公無讓未許尋常將相能

自注唐崔趙公問徑

山道欽禪師弟子出家得否欽曰出家乃大丈夫事非將相之所能爲崔于是有省

荅拙老寄盤山圖

三生支許最相關未得相尋水石間應笑屣提舊居

士祇從圖畫說盤山

盤山拙菴大師書來奉報

朱彝尊

三盤勝地稱絕衆嶺何峰最尊別後時勞夢寐書來  
興轉飛翻青松十里巖磴紅杏千株寺門好雇犢車  
一兩輭塵碾到山根

送朱僉事犖之官通潞

中盤曾聽佛樓鐘按部重登紫蓋峰料得使君吟興  
發塞門百道走紅龍

寄別拙菴大師

青溝雲木畫參覃夢想巖棲燕子龕惆悵花時仍不  
到滿衣春雨返江南

盤山志卷八

六

題盤山拙公像

錢金甫

往年繫馬盤山下竟日淒風阻曳筇展卷細尋飛錫  
處白雲猶憶最高峰

又

須知有相原無相在吳生筆墨中百尺長松千箇  
杏偶然瓢笠著支公

又 調寄菩薩蠻

馮 勗

松風觸耳輕飛過嬌紅刺眼當機悟紅冷下枝頭風  
吹何處收○此中本無色色向空中得禿頂一髯翁

儵然破色空

又

孫岳頌

土木形骸似鶴癯倚松應勝據枯梧不須齊物元無  
我錯向圖中認故吾

又

馮瑞

我慕盤山勝空羈朝市塵披圖展翰墨乃見山中入  
面目本來是言詮無處真已知離色相靜對亦何因

自雙峰寺望上盤

高士奇

松下禪扉報午鐘谿橋路斷蘚苔封山僧指點雲中  
寺猶隔巔峴四五峰

盤山志卷八

七

遊盤山

昔讀寰中記茲山勞夢想十年思一遊塵事日鞅掌  
扈 蹕過薊門承恩忝觀賞馳馬踰崔巍趨途漸深  
廣縈迴石徑紆盤旋下復上山勢兀嶙峋奔厓盡骯  
髒緩策登危峰煩襟爲一爽嚶嚶埜鳥鳴汨汨山谿  
響莫春天氣佳小憩在林莽松泉臣所須性志本疎  
朗茫茫屬車塵詩曳青藤杖從來箕頰心對此聊俯  
仰

上盤絕頂

千仞聳危岫孤高數上盤扶筇看夏險捫葛步仍難

天外松風落厓邊艸色寒塵襟一以滌獨立感無端

盤山詩六首

宋 盤

冒雨訪名山旣至雨忽霽巉巖盡刻露歸雲曉溶瀆  
五峰互低昂青翠落幽薊初途得感化碑紀保大歲  
汰象最淒涼遺構荆榛翳旭日照山椒石磴盤天際  
嘉遊方自茲小向精廬憩

又

發興窮林巒賴此孤筇拄威紆循澗濱曲折穿山隴  
礧礧亂石堆遠近無纖土時見巖穴中幾點桃含雨  
路傍眼甲石上有清泉吐遺迹恐荒唐姑聽樵夫語

盤山志卷八

八

行經少林寺宗風緬初祖咫尺望中盤對啓青蓮宇  
微聞仙梵幽寂歷日亭午塔院近可尋池愛紅龍古  
誰從峭壁間貌得錢塘怒想像香臺側震蕩風雷鼓  
淹雷酌澄碧遊儵粲可數當春雄雉鳴似應丁丁斧  
高矚凌晴空遙探偕汰侶舒嘯振叢薄寧畏豺與虎

又

茲山最佳處實維古中盤幽磴幾登頓怪石驚噴屹  
或如屋宇懸或如象馬攢或拱如墊叟或矯如翔鸞  
花宮忽仰覲琅璫響雲端精舍連邃洞詰曲施朱欄  
突兀五松樹正蔭說汰壇長風一披拂白晝濤聲寒

道人南國秀十載此盤桓 至尊昔臨幸宸翰留層  
巒昭回俾雲漢豐碑宜雕劒皇矣聖人作欲和良獨  
難

又

萱芽芼作蔬松花采作餅一飽不願餘  
袞陽挂西嶺左踏屋角梯萬松如列屏  
嗟哦紫蓋峰望空不見頂石窟千年樹  
幹作三尺挺撫之詎忍忝長歌扣其癭  
右尋談經石陂陀夏幽迴蚪枝少拘束  
老此無人境有句不能道嗟如喉有齶  
嚶嬰谷鳥鳴徘徊步清影天外九華高  
直擬驂螭騁

盤山志卷八

九

又

空山正寂寥何處人語響遙見故人來  
臨風披鶴氅洪厓許拍肩一笑穿雲上  
聊啜僧廚粥旋策山隅杖看松訝作龍  
拜石呼爲丈願結烟霞鄰拾此粟與橡  
嗟余王事迫返駕意悵惘絕頂舍利塔  
拳嶺不得往佛牙禿樵牧聖燈驚魁魁  
勝迹匪自今遠望但合掌其餘棲隱地  
一一託遐想寄語青溝僧終期共幽賞

又

朝望白雲來莫移青松歸石徑屢延佇  
余情實依依返景帶山杏夕磬響巖扉  
弄泉聊盥漱寒色上人衣

道逢八十翁談笑共忘機此中事事佳豈獨娛清暉  
退尋入邨舍燈下蝙蝠飛賦詩興不淺濁酒杯堪揮  
五夏望殘月流光破烟霏倚馬語僮僕我心仍翠微

秋日望盤山用黃山谷韻

隨牒作馬牛兒女鎖房闔朝來稍蕭散快值涼秋月  
庭槐垂陰濃不厭蟬響聒蔬畦聊支筇曠望渺城闕  
盤山排空來千巖迥秀發浩然遊興生輒欲著布襪  
五峰儼芙蕖青蒼樹如髮往者此林巒臥雲得怡悅  
棲遲古中盤飽餐僧廚蕨高吟蒼松濤岸憤擊銅鉢  
連篇鏤肝腎誰能狀毫末還經琅甲石愛聽泉活活  
今我蒞此邦一俗直到骨吏事有程期曾不夫圭撮  
埋頭簿書間風騷謝鞭撻何期行藥餘忽覩烟巒窟  
妙句佇英遊庶無三獻刖薄宦雖漫爾終愧廁簪笏  
他時紫蓋巖巖長歌采芡蕪

藍谿道上憶盤山

楸峪看雲過溫泉策馬還依然趨潞水無計入盤山  
夢穩風濤外愁添簿領間新詩如束筍燈下手頻刪

重遊盤山七首

盤山如盤龍舊名爲四正幽燕之界區百里勢奇橫  
五峰插碧天羣岫如奔命我行越薊丘曠望迴生敬

趨途隨山樵短策喜孤勁千像凌晨經樹石莽疎曠  
矮塔儼衆僧導客來相競靈椿學蚪松沁界殊清淨  
澤鉢失瀾漪搖石具情性登攀忘渴飢亦未暇吟詠  
頰首紫蓋峰會當持其柄

又

太古遵山麓谿谷何威遲芒屨鬪石齒竚立宜輕颺  
天香穿老屋零落餘眾思艾而張網羅禍機嗟虞師  
盤泉響珮環隔嶺聽愈奇旣至得舊觀太息水之涯  
照影驚皺面仍不改漣湏中盤白塔院少林紅龍池  
停屐還振策胸已無險巖山心探初地 天藻仰穹  
盤山志卷八  
士  
碑道人知我來爲我埽茅茨松石知我來爲我發幽  
姿所恨春尚早 杏萼闕華滋經壇少淹泊東幄榛還  
披月明嘯高閣願與山靈期

又

萬壑激松濤空山黠將夕失道困蒙茸蒼耳時一摘  
裕訝勢搏人卻步憐局蹐稍循迳迂未怕層巒隔  
人語驚棲禽老鶴聲格格聞鐘投寶坊片月簷際白  
登臺撫長松天畔畱岸幘鄰僧邂逅逢茶話意良適  
河漢手可摩猿挂看林隙靈境清心魂欲臥不安席  
頭陀催閉門云有虎行迹

又

遊山如噉蔗佳處得以漸萃律挂月峰磴道一何險  
孤塔入雲汀殿閣竦巖穴探奇竝鳥飛耳畔罡風颭  
積雪明皚皚晴靄閒冉冉幽磴藏上方禪扉日夕掩  
老僧雖屢邀未忝同回剡捫藤勞抗尻狂嘯等驚魘  
嶺脊得少休聖燈想光閃佛牙禮金棺捧視意還歎  
盈盤薦棗梨地僻僧廚儉嗟余攜幼來非向金仙諂  
愛作八極遊齊烟看九點

又

昔余吟五字幽賞企青溝凌風越西嶺闌入麋鹿遊

盤山志卷八

三

谷口訪邃洞門閉巨石留何時名將軍古薜纏兜鍪  
異鳥靜相語聲比山呼優松鼠竄窸窣豎尾招其儔  
顧盼出叢薄花宮臨荒陬茅屋八九間彈琴藏湯休  
新詩感祭酒奚啻珊瑚鉤黃精潤齒頰名畫清人眸  
幾年輯山志往牒窮冥搜遺世幸同調矢口談莊周  
誰謂白蓮社高風獨千秋

又

遊興動枯禪偕我登壘嶂烟嵐青冥濛斷續來樵唱  
幽處衛公菴松石訝殊狀位置造物工左右恍揖讓  
崎嶇到寺門劍臺屹相向纔聆梵放幽旋策登高杖

巖絕苔壁橫徐緣石脈上篝火尋題名畫腹辯字據  
新月正如舟散髮一疎放人生蠟旋磨今夕愜微尚  
四山響木魚清切聞泐藏風起海雲鋪從師問真妄  
又

曉起問歸路天城經山隅如行鐵堂峽石氣侵肌膚  
嘉果不知數遑復問槐榆林端響啄木顏色憐衣襦  
幾日天桃開想見絕代姝峭壁壓臺殿詎與屏風殊  
松篁紛點綴摩詰當能圖涓涓山腳泉一寺皆霑濡  
折松作塵尾酌泉貯銅壺歸示華亭客定恨不竝驅  
簿書行委座柳櫪何時扶

盤山志卷八

七

盤山拙公書來有黃葉飄空白雲滿地之語賦

荅

白雲流滿地黃葉向空飄似此道人句寧殊叢桂招  
聞鐘眠佛閣隨鹿過谿橋何限曾遊處分明入夢遙  
由怪子峪至亂石邨入山 王 煥  
雨霽殘雲半嶺橫平沙細路馬蹏輕松風謾謾聞天  
籟澗水泠泠雜梵聲山鳥頻呼如有意埜花相笑不  
知名同遊盡是塵勞侶偷得餘閒快此生

盤山道中

四月盤山艸木深七年曾此一登臨杏花楊柳來時

路好共黃鸝續舊吟

又

曲曲谿流逐徑衰馬蹏騰踏入烟霞碧桃知我重來  
挽春盡猶畱一樹花

歷天門諸勝上雲罩寺

天門孤筇暎晴暉苔蘚重重瑣翠微神物古池開一  
鑑仙靈幽洞閉雙扉撲巖危石鵬初落插漢奇峰鶴  
欲飛鈴語遠聞山徑轉短筇扶我竟忘歸

再登秀峰絕頂

陟險探奇興莫違夏穿雙屐上崔巍川原艸色連天  
遠崦嵫鐘聲出樹微人嘯石中雲乍起月明山半鶴  
初歸卻憐七載渾虛度還向峰頭一振衣

遊黑龍潭投宿暗峪寺

欲探黑龍潭先憩白雲隴努力勸飽餐無畏登陟苦  
微徑識奇樹異卉隱榛莽怪石幻萬狀偃仰復偃僂  
或如蚪龍蟠或如獅牙怒或如龜鼉伏或如鸞鶴舞  
近矚每仿徨遙瞻還愕懾騰躍效猿猴有筇不暇拄  
漸聽亂泉鳴喜色溢脣廡渴甚競杯飲味甘勝醴醕  
力竭依危石屈伸撫雙股前途正險巖况復多蛇虎  
躡足履巉巖恨不生雙羽橫互眠石虹皎潔無纖土

懸流挂足練蒼翠  
苔紋古暎日發光  
華微茫辯絲縷  
噴瀉注洪潭  
颯颯生風雨  
清澄鏡面平  
須眉擬可數  
環凹若鬴錡  
欲濟無檣艣  
週遭石浪生  
疏鑿疑鬼斧  
深杳不可測  
傳是神龍府  
賓從暨僧和  
相視舌各吐  
云更有三潭  
聯珠嵌巖澗  
倦者先告歸  
進退分步武  
夕陽亂人影  
相顧倍踴躍  
突兀兩山逼  
巒壑肖天姥  
三潭水深溜  
厓峭削雙堵  
積蘚襯藤蘿  
蝸涎汗綸組  
顧此肌骨寒  
悚慄不自主  
怱怱轉林麓  
隱隱聞鐘鼓  
倚杖扣僧扉  
振衣登梵宇  
老衲餉果茗  
山廚炊秬稌  
飯罷尋斷碑  
零落字形腐  
放腳臥禪牀  
清歡洽肺腑  
默數此日遊  
昔賢孰堪件  
擬徧告同人  
先須禿筆譜

盤山志卷八

五

入盤山

衛台瑞

滿邨梨葉帶霜紅  
最愛名山風雪中  
儼若峨冠不可  
見三盤頂上白雲封

過中盤

噎噎山氣昏躋險  
心頗憚回頭矚巖谷  
已凌山之半  
磔卓遞嶙峋  
起伏迹未斷  
有松皆奇絕  
無峰不可翫  
寓足筋力疲  
放眼雲竇亂  
短筇歷潭壑  
扶之勞雙腕  
初疑黛色濃  
忽覺雲形換  
努力過前山  
流連恐日晏

至古中盤

行行過中盤又抵中盤頂極目烟霧中雲峰忽已暝  
泉竦紛佳致萬株龍鱗挺攀蘿入寺門汲水試山茗  
落日聞鐘聲令人發深省

由青溝後山望紫蓋峰

朝上青溝山石滑路亦險披霞雪未消滿地葉如染  
亭亭紫蓋峰蒼烟餘一點

松下得聲字

蒼山昏莫靄幽徑暗寒夏蕭散青林月如聞落雪聲  
出盤山口號

蓮花池小一雙灣亂石霜林谷口還比部何當遊興

盤山志卷八

六

足馬頭指點說盤山

晚步鄰菴訪盤山和尚喜遇葉先生共話

何五雲

縉塵無地愜幽尋何處微風度梵音素盃茶香分菊  
色空天月冷入松陰十年勞吏還家早四正高僧避  
俗深相送柴門成一笑霜枝驚起莫棲禽

盤山志卷第九

盤山智 朴纂輯

新城王士禎 較訂

秀水朱彝尊

詩部

盤山

阮旻錫

五龍塞外飛一龍塞內止飛作盧龍蟠止作盤龍峙  
有峰皆怪石無壑不秋水古松奮蒼髯更欲盤雲起  
黃龍老尊宿遺殿空山裏似愍膚間蟲齧齧內生死  
余本餐霞人不學屠龍技敢賣盧龍塞微名點青史

盤山志卷九

一

西登舞劍臺將軍憶故李

到上盤登挂月峰晚眺

客子御風來峰巔已挂月月上薊門山邊笳靜不發  
薊門秋塞晚無烟塞外高峰欲插天週迴亭障三千  
里東臨碣石滄海邊滄海眼中一勺小塞北江南青  
杏杳不知天地幾何年但見陰陽疾雙鳥古人寂寞  
已塵埃山川畱待後人開玉關西入班超老磧中更  
有李陵臺

盤山絕頂次戚少保韻

風掃殘雲畫角哀烟迷遠樹塞門開黃龍古戍三千

里白鴈新秋八月來極目河山隨短策傷心騏驥屈  
長才表陽影裏孤邨莫西望燕昭舊築臺

出下盤

萬壑松聲萬壑泉芒屨踏破五峰烟驚魂猶向巖間  
墜快意無如洞裏眠彈指徧開彌勒閣分身卻下大  
羅天唐碑宋碣曾何有愁閉空山六百年

題盤山圖

三十年前曾閱此而今垂老得親遊昨宵一覺青山  
夢試問圖中可似不

遊盤山歸蒼林上人有詩見訊依韻答之

盤山志卷九

二

老盡漁陽俠客心青霜匣底冷龍鐔五夏誰打鼙鼙  
鼓百歲空爲數數吟曉夢無端雲易散秋燈有燄月  
先沉近來不用參方公會得盤山賣肉碓

將遊盤山東諸同志

鄭纘祖

風塵苦羈束逸焉思遠眺况值此清秋烟霞有同調  
憶昨上方遊山水仰高蹈如何夜來夢親覩盤山貌  
巍然雄朔方不與上方肖偃仰羅羣動襟期豁衆妙  
微茫杳難分約略覽其要尤愛孤峰奇輕身凌絕峭  
坐觀千岫低臥聽孤猿叫醒來心魂幽猶聞巖谷嘯  
何當與君期白晝窮微奧

過山莊有感

落落風塵幾息機，每從京國望山扉。  
十年出處慚虛擲，百里晨昏恨久違。  
共說雲峰東去是，誰憐人事北來非。  
踟躕卻顧未能別，曾記臨歧道早歸。

登盤山六十韻

皇天限華彝，驅山作屏列。遂令此峰高，靈氣於焉結。  
混沌判何年，登臨快此日。蜿蜒塞外來，突兀空中出。  
迴伏衆岡環，鬱紆微徑折。千尋拔地軸，一柱撐天闕。  
高可凌虛無，遠能鑒毫髮。初登猶塌塞，數轉漸超豁。  
層層凌絕頂，了了見澄澈。奇非神鼎鑄，峭豈昆吾切。

盤山志卷九

三

不假藕絲穿，寧藉螺穴軋。自覺石泉幽，羣推林麓鬱。  
三盤曲有餘，四望端如一。有如奇偉人，視高步還闕。  
有如貞靜姿，澹寫無塗抹。又如古鴻文，體正而辭括。  
不落小蹊徑，渾然大手筆。乃知帝王區，遠與郡國別。  
流峙合而鍾，神奇蓄不洩。三山或比鄰，五嶽孰優劣。  
洞壑相崩峭，岡巒互出沒。山谷幻紫青，石狀逞危突。  
老樹鱗槎枒，枯藤蚪曲屈。晦窺猿洞暝，曉映龍潭澈。  
高塔落雲霄，奔流倒溟渤。橋疑石梁迴，瀑向廬山割。  
陟覽盡丹梯，徘徊多寶剎。聲傳清磬連，翠匝蒼松密。  
轉瞬澹濃分，移時向背失。神工迴不倫，至化杳難詰。

以彼雲中奇幸茲遊覽決別來骨肉疎與到親朋挈  
步兵兼小咸封胡竝遐末陶公意特豪惠遠禪堪悅  
不用籃輿隨自把桃杖伐將毋山靈觸亟遣神丁奮  
選勝期先登耽幽每後歇意中各有屬佳處誰能忍  
歷級身頻高迎眸眼一瞥石困囊梨封天廚豆瓜實  
采摘怡性情噉食慰飢渴歡賞及稚童追呼踐履襪  
傾敬驚涉險趨忽欣初脫古迹半陸沉導僧費指說  
畱連竟夕晨信宿擁裘褐幽夢浩無涯孤懷勃難遏  
起窺澗底雲欲掇峰頭月夜氣何微茫商飈乍凜冽  
世亂出門艱時危行路窒斯遊偶然遂勝事焉可必

盤山志卷九

四

維昔漁陽亂紛然戎馬逸風塵昏頃刻干戈競倉卒  
是山畜逋逃所全十七八天心應有在民命賴以活  
誰言桃源洞迴與人間絕桃源信可求苦爲塵世聒  
褰裳最高峰東望遼海漏緬懷管幼安皂帽高自潔  
欲往從之遊青天騎虹蜺歎息斯人徂悲風千里發  
盤山絕頂次戚少保韻

木落風高旅鴈哀天空雲斷戍烟開三千餘里盧龍  
在七十二卷寶積來塵世幾番悲浩劫清時何處見  
邊才英雄事業身難遇少保曾登舞劍臺

問訊盤山路乘春竝馬來高低空翠合斷續坐花開  
斑鹿穿林導黃鸝隔嶺催人言扶杖客先到白雲隈

又

微聞鐘杳杳漸近水淙淙倒影穿雲塔橫枝逆石松  
峰危敲紫蓋池古瀉紅龍夏上前山杳相將策短筇

又

老僧解畱客隨意供園蔬布席憐松蔭看山愛雨餘  
林深頰竄鼠池冷不生魚同是忘機者探幽縱所如

又

澗斷垂藤接林迴狹路分五峰爭捧日八石各生雲

盤山志卷九

五

僧與豺狼狎人將鹿豕羣閒來剔蒼蘚細讀古碑文

又

絕頂此躋攀蒼茫曉日殷一身飛鳥上雙足亂雲間  
大漠連滄海長城補斷山遙看古北口天險舊秦關

又

幽尋未云竟驅馬忽言歸惆悵攀芳樹低徊戀翠微  
出山雲遠送畱客鳥遲飛多少塵勞事誰能便息機

將遊盤山寄拙菴大師

殘臘與師期高松看雪敲杜鵑花欲盡真悔入山遲

又

山色潞河東朝朝憶遠公青溝望不見只在白雲中  
再入盤山憶與吳廬先生同遊口占寄之

重尋白雲來獨入青山去青山笑問余故人在何處  
由青溝越山至雲罩寺登舍利塔眺望

策杖凌西巖捫葛踰北嶺厓斷徑轉危林深路逾永  
微窺白日先亂踏青松影巍峨啓佛宇闐寂隔人境  
千尋舍利塔獨踞最高頂鐸響天風翻雲深石氣冷  
指點古長城連山作門屏幽薊與青齊微茫辯烟景  
絕登倦躋攀禪房息俄頃夢覺聞疎鐘愴然道心靜

山中寄朱若始

盤山志卷九

六

壯歲飄然辭絳冕衰年勉爾傷風塵鹿門居士安禪  
久栗里先生乞食貧江上鴈稀書隔歲山中花發病  
經春餘生漸悔浮華誤近向蓮宮叩淨因

山中夜坐和王右丞韻

松風千萬樹松月二三更惟對一僧坐詎聞羣鳥鳴  
形神都已敝身世竟無成不學空門法真爲負此生

山中雜題

踏徧紅塵十載羸來白髮千莖決計深山獨往喧囂  
怕殺浮名

又

八石餘多怪石五峰外有奇峰始信古今高士趨然  
不列儒宗

又

泉聲三里五里松影千層萬層紅杏山山迎客白雲  
寺寺尋僧

別盤山

步步出烟霞依依望林樾縱拋石上泉難負松間月  
拙公相送臨別口占

老僧立松根遊子下巖際揮手復迴頭白雲路迢遞  
和宋牧仲先生荅盤山拙公見招

盤山志卷九

七

朱載震

閒說盤山裏春風杏亂飄會須匹馬忒不待老僧招  
明月紅龍沼青松白版橋薊門連潞水東望未曾遙  
讀牧仲先生盤山詩奉寄 宗元鼎

眼甲東征石上苔李唐名將藥師才不知何日披榛  
莽尋到山巔舞劍臺

又

俊慧幽恬骨格生盤山詩似謝宣城中間幾點桃含  
雨與動芳洲杜若情

又

少林蓮宇秀瓏璉忽見縱橫坐嘯雄讀到古盤第三  
首風連雲委氣行空

又

萱芽初茁蕊松黃一飽山廚挂夕陽莫羨吳筠會說  
餅袍羊隴犢竝憎嘗

又

韓蘇雖自供先驅神韻王維一代無拈出五夏望殘  
月豈輸隔水問樵夫

將赴盤山作

宋 至

清明已過穀雨前正是山寺飛花天老衲一紙期攜

盤山志卷九

八

手小僮半夜促著鞭筆牀硯匣早束縛繩鞵布襪殊  
安便會須拄杖穿雲去坐看春水流平田

遊盤山

飲聆盤龍奇未覲烟嵐秀卻幸薊門過五峰得深究  
碑兀插蒼穹目注雙睛啓羣山莽迴合各自効奔湊  
頻年雜塵鞵如馬困悶廐茲喜饒餘閒兼之當春晝  
早起理芒屨千像競先就邨醪提滿壺囊橐裹糒糗  
看山似讀書宜漸不宜驟稍覩層嶒改乍聽雌雉雌  
巨石何礪礪勢欲向人仆是時天尚寒谿舂厓骨瘦  
眼甲雷荒迹琮瑟瀉清溜行經聊支筇手口快盥漱

威紆達中盤紺宇名著舊五松蔭講堂鳳舞蛟龍鬪  
科頭樹下眠花落黏衫袖往者戊午歲警 蹕來我  
后天藻剽豐碑山靈時護佑登頓忘朝昏落日照井  
甃載陟淨業菴歡呼躍童幼夾道拱楮柏果置亦綿  
茂但恨朔風高不克樹橘柚到門唬幽禽便捷穿鼯  
鼯老衲出戶迎項縮語諛譎竚立向空堦心已飛靈  
鷲藜莧任飽餐適口等醇酎梵經誦有期木魚聞夜  
扣凌晨踏天梯數里入雲竇撐拄憑柳櫪顛危賴匡  
救遙睇長城雄燧息餘空埃初地笋層巔榱桷牢結  
構尋僧下青溝蘭蕙託香臭談詩據繩牀眇彼雲出  
岫旋覓舞劍臺攀藤學猿狖從簡此題名大書還深  
鏤呼僕磨險糜欲揭薜花繡夏有天城幽削壁驚奇  
觀崖背兩方塘風過水紋皺似茲陵谷佳應居匡廬  
右作詩倣南山字句愧疎陋四正多神仙靈異說祕  
授鶴氅忝復來粟粒視宇宙人生擬螻蛄無天亦無  
壽願藉澤鉢泉滌我世俗疾駕言往從之散髮遠謾  
詬此地足棲遲詎必訪勾漏

讀高澹人侍讀賜遊盤山詩

許國賓

同是幽尋興茲遊非偶然屬車能奉 詔峻嶺直摩  
天時爲 宸章重名隨隱士傳由來殊出處神往獨

盤旋

楊雨田遊盤山歸索和

宸翰親題夏煥然秋陽擬向墨池煎只今春到猶無  
雪松偃枯枝著地眠

入山之約究不能踐返棹惓惓聊以小詩寄別  
竟爾失前期塵寰事事虧于今又南去何日慰幽思  
高下峰圍寺飛潛理得師林慚與澗愧莫遣子春知

題盤山禪師像

朱昆田

薊北埃風日日吹沙塵黃不到山茨分明歡喜阿羅  
漢傳寫龍眠李伯時

盤山志卷九

十

遊盤山

陳璋

百轉羣峰上迢迢一徑微水流清見骨虎氣冷吹衣  
杖易穿雲入人難避鳥飛經時還詰曲未敢便忘機

遊盤山

錢震

一入盤山意豁然扶筇十里梵宮前松遮柏蔭疑無  
地路轉峰迴忽有天西嶺殘陽東嶺月南窻空翠北  
窻烟流連旬日終難別直欲攜筇老歲年

盤之路

十里重岡鳥道袤入山紆折萬松遮石頭滑處還當  
省穿出層雲便到家

盤之石

一山奇石累千峰峰頂雲頭盡是松愛煞嗟峨靈且  
秀應教憶念米南宮

遊盤山

無名氏

杖策攀危磴蕭蕭萬木聲雲過衣漸溼泉沸馬頻驚  
怪石當眉筇枯松隔路橫渾疑塵世外真覺道心生  
贈盤山道者

須髮蒼然氣若霞朝朝吟咏是生涯閒來跋石長松  
下獨對山前萬樹花

又

盤山志卷九

七

帝京之東盤山之中十里五里千峰萬峰青松紅杏  
與此一翁叟誰管領竟日春風

盤山志卷第十

盤山智 朴纂輯

新城王士禛 較訂

秀水朱彝尊

詩部

山居詩

大師山居非一處皆有詩茲因盤山遇隱者錄此附之

德清

青山容易入白業不難修獨有降心法英雄讓一籌

又

一枕黃梁夢千秋血汗功祇知常不朽誰信轉頭空

盤山志卷十

又

獨坐長松下悠然太古心高山流水意誰復是知音

又

寂寂離知覺昭昭混見聞三更天外月一片嶺頭雲

又

松下數椽茅屋眼前四面青山日月升沉不住白雲

來太常間

又

浙浙泉聲入耳明明祖意西來不動舌根常說何須

再歎奇哉

又

文字眼中幻。瞥禪那心上。浮塵內外一齊拈。卻大千世界全身。

又

靜夜鐘聲不住。石牀夢想俱空。開眼不知何處。但聽滿耳松風。

又

可惜青山常在。堪嗟白髮時新。盡是塵中逆旅。誰爲物外閒人。

又

盤山志卷十

二

春深雨過落花飛。冉冉天香上衲衣。一片閒心無處著。峰頭倚杖看雲歸。

又

青山不動自如如。朝暮雲霞任卷舒。縱有紅塵深萬丈。曾無一點到茅廬。

又

髮不如心白。形還似木枯。衆緣閒處盡。一念看來孤。天已容疎拙。禪應離有無。餘生當落日。步步是歸途。

又

生理元無住。流光不可攀。誰將新日月。換卻舊容顏。

獨坐惟聽鳥開門但見山幻緣消歇盡何必更求閒  
又

身已難憑藉支離各有因暫時連四大終是聚微塵  
萬籟含虛寂諸緣露本真從來聲色裏迷悟幾多人

又

依巖結構艸爲菴乍可容身止一龕但得心源歸湛  
寂任從世事付癡憨三竿日上還高臥丈室雲封不  
放參佛祖直教蹤迹斷何須前後列三三

盤山

行 乾

形無定向勢如龍古樹扶疎嘯晚風面面烟霞浮幻

盤山志卷十

三

景層層蒼翠露真空寶圖卓立于峰上金剝橫開萬  
壑中舉世丹青描不得白雲常繞梵王宮

山居詩

一頓和饌兩頓粥老僧千足與萬足夜來一覺到天  
明獨享林間清淨福

又

春深厓際艸萋萋牧豎攜籃過澗西試問于今何處  
太白蓮池畔采青藜

又

憑空一片山玲瓏無背面巖下有龍吟可聞不可見

又

茅屋兩三間。天然一幅畫。中有老頭陀。解說無生話。

夏日雨後望盤山寄青溝和尚 智 暹

炎炎盛暑當初伏。汗下如漿髮如沐。驟雨驚雷何自來。倒甕翻盆經信宿。曉起潞河忽放晴。燕山薊嶺來。心目飛翠浮青指。顧間卻憶師兄住盤谷。幽人永矢自弗諉。臥枕松根一坦腹。慚愧而今老大身。濫廁法門空鹿鹿。他時決計賦歸來。料得茅菴不須卜。

遊盤山

十年蹤迹寄長安。妄想見空厓。蘿薜寒今日。細詢山裏

盤山志卷十

四

路少林深處。古中盤

又

金臺東去百餘程。四正山高舊有名。客子耽遊畱信宿。凭欄夜看斗參橫。

又

白雲縹緲萬山幽。絕谷飛泉百道流。踏徧重厓多少路。風前猶自憶田疇。

又

薊門山色五峰幽。捫壁攀蘿到上頭。見說此中多梵剎。

天顏獨喜是青溝。

又

千溪萬壑靈如畫峭壁巉巖健似詩此際遊情應未  
已尚餘清興待他時

盤山

趙見

盤山怪石攢竄出碧雲端澗氣侵人冷松聲徹斗寒

盤山漫興

趙正

大象本無形名山突兀起蚪松堪盤桓古洞可棲止  
師昔此談禪余今斯論理言前顯正因句裏明宗旨  
五峰鉢囊間入石衫袖裏于斯悟靈機是得真如髓

盤中獨步

盤山志卷十

五

秋空清曠景幽微翦翦金風艸木稀仰面才看紅葉  
落低頭又見白雲飛月光皎潔如儂語山色蒼茫似  
我衣四顧峰巒圖畫裏鳥鳴松韻總真機

遊盤山

趙起

埜人竟日踏山阿不是尋芳遶薜蘿上院鐘鳴僧飯  
早雲中雨過鳥聲多眼前有句休爭巧世外無言且  
放歌謾謂閒遊私自得一林蒼翠影婆娑

憶盤山簡青溝和尚

常岫

東來毓秀結盤山聞得人言未一攀怪石抱雲天  
臥奇松倚月澗邊閒獼猴識字忘今古猛虎聞經斷

往還要有浮圖炁不夜年年燈影散禪關

示圖南上人 名德舉溧陽人

今生幸得遇明師畢世巖阿莫暫離不見當年顛昔  
化盤山會裏獨稱奇

盤山卽目

智 韜

曉日空林似晚霞晴光遙映住山家一聲清磬雲邊  
出幽鳥時銜樹裏花

憶盤山

臺山未到到盤山且喜文殊對笑顏賞鑑不遲歸太  
早幾多清夢在其間

盤山志卷十

六

又

曾訪名山入亂峰將軍石畔步從容而今縱目江干  
上天際蒼烟隱臥龍

四正山居詩

趙 常

耳觀多清淨流泉響若琴鍾期歸去後無復問知音  
又

一灣流水碧滿地落花紅不道春歸去惟言昨夜風

又

攜籃尋埜菜曳杖受和風佛沘無多子分明日用中

又

性僻愛居山居山饒有趣茅菴小小成結構依松樹

遊盤山

程然

勝槩畿東第一峰烟雲影裏碧重重烏藤不怕蒼苔滑  
數徧厓巒萬樹松

盤山雜詩

智朴

盤峰勢礧磈似帶癡頑意于中具大觀存神別有致  
雲霞時吐納中虛外特異掩勝潛幽奇處處恣遊戲  
洞壑屈曲深萬松靄蒼翠四圍鐘鼓聲饒多苾芻寄  
山川祕英華艸木生文字惟我信宿緣住年十有四  
招隱寂無人虛存招隱志

盤山志卷十

七

又

盤龍作住宅茹養寄吟哦豆苗充午供旣飽資天和  
彼茁者黃精春深徧陂陀采之必以時食之不厭多  
夫非取遐壽抑以療饑疴時乎忘遠近曳杖躡蹉峨  
山泉清瀾漪山樹老婆娑居停無回互禮法不我苛  
洵非人間世韶光一剎那

又

散木長年託澗曲春風亦自發新綠無人不有逍遙  
遊利名縛定一雙足遲日干花方競妍瞬息霜風亂  
雪天日月往來螳旋磨肇論深明物不遷嘗將冷眼

時一顧世間貴賤何窮數究竟同歸土一丘可憐踏  
碎紅塵路紅塵路貌無盡期不若青山歌紫芝烏乎  
噫嘻兮誰向青山歌紫芝

又

一室生涯古閒身憶嬾融巖花噴莫雨谷鳥罵春風  
短髮三生隔微言半世空不知天地老寥寂與誰同

又

卜居何處好水際與山厓老樹翳清晝香芹助午齋  
流泉聲泱泱飛鳥鳴啾啾外此難爲舉吾生自偶偕

又

盤山志卷十

八

生死誰能免浮沉我不饒百年忙裏忒萬慮靜中消  
雲衲經時補春薪帶雨燒離情趁見處幾欲問同條

又

結構非因嬾行藏亦似閒青溝一派水紫葢萬重山  
倚杖觀魚躍推窻看鳥還有時趺坐久巖際響潺湲

又

春風渾不管綠翠滿林梢石怪泉聲急厓荒土質燒  
閒心將白日隨意斬青茅未得伏羲旨乾坤用二爻

又

彼美人何在臨風起浩歌山林排似櫛伏臘忒如梭

峭拔思虛阜平懷憶鳥窠繩牀幽夢醒玄妙亦須呵

又

習習谷風起遲遲春日衰任情開北牖信手揭南華  
擬摸象非是未亡羊已差古今誰作準一笑解紛拏

又

投子疎山逝空餘舊典型木蛇鱗甲異俊鷄羽毛青  
短髮驚寒暑長吟動嶽靈是非吾性癖久已得櫻寧

又

漱玉泉中水巢雲室內龕花隨春色滿日落鏡光含  
忘食慚宣聖虛心夢老聃靈山無剩語珍重不須參

盤山志卷十

九

又

虛谷終年靜空堦永夜清林松深有韻澗水杳無聲  
萬籟消寒氣中天受月明浮塵根境在幻寄了餘生

又

行陰二俱誰能識遷流豈暫停鬢從新處白天自舊

去叶

來青淵遯藏頭角林棲愛羽翎蒲團三尺地一部養生經

又

半世虛名在勞生最可憐蒲團安養地茅舍淨居天  
擲釣疑無力栽松信有緣嗟哉春意動不用巧周旋

又

復澗羣波匯高厓曲路分蓬窻來夜月茅屋隱春雲  
萬籟同爲息千絲共作文賞心不及笑誰忞夏云云

又

住來幽谷靜日日啓琅函平等無高下云何有聖凡  
陣排林鬱密壁立石巉巖諗老歸無計青州破布衫

又

千章烟樹黃萬朶雲山碧中有忘形人嗒然坐幽石  
又

崑下白雲飛崑邊紅葉落崑中閒散人旁午飯藜藿

盤山志卷十

十

又

石古雲根奇厓懸樵徑仄老僧不耐閒放眼看秋色

又

寒烟集埜水雪意小春陽虛谷忘懷者哀牛護艸堂

又

人生天地間萬化之一物憂勞苦百年靜觀等儻忽

又

頭頭演妙法今古恆無間未能了目前動則成過患

又

紙窻松棟土泥牆靜裏天長趣夏長每向峯頭問明

月飛來飛去爲誰忙

又

遙峰一望迴難齊  
烟靄空濛落照西  
二月春風無事  
事山前山後聽黃鸝

又

鐘鼓聲消鶴乍還  
花陰月影鬧松關  
楞伽拓向窻前  
看又了巖中一日閒

上方寺東有前人詩鐫絕壁上  
字半湮沒洗苔  
讀之得君昔有言歸李愿之句  
有作寄朱竹

坨檢討

盤山志卷十

二

君昔有言歸李愿  
我今無語憶田疇  
爲尋二妙閒蹤  
迹徧踏巖巒未肯休

朴輯山志數年數易其稟蓋以古迹難求故也

庚午秋復徧攷碑幢詳詢故老  
數日間所未聞喜不自勝  
遂逐事賦詩一十二首

怪石稜層四角栽  
中間疑是鬼神開  
英雄去後空雲  
木千古人傳舞劍臺

又雲罩寺

盤峰高是自來峰  
上有浮屠建梵宮  
怪底山農眠不  
穩清宵雲外一聲鐘

又 普化塔基

當年普化邈真地 只在傳燈舊錄中  
塔基雖存福善寺 鎮州木鐸響秋風

又 五益溝無暗律師隱靜處

壁削青天一逕開 陰風落澗吼如雷  
當年老衲安禪寂 石怪山精排戶來

又

先境俱忘誰辯的 先境未忘匹似閒  
屠子歌郎無覓處 獨畱勦斗在盤山

俱寶積事  
載傳燈錄

又 白猿洞

盤山志卷十

七

白猿古洞倚天門 夾壁雙開舊迹存  
一自尚書題字後 至今石上少苔痕

又 感化寺田疇隱處

子春返命哭虞墓 志決深山狎楚翁  
古寺淒涼無可問 殘碑半面署無終

又 古佛塔

天城寶塔十三級 舍利層層盡放光  
說是神龍親奉獻 大遼碑在塔中央

又 黑龍潭

陰厓背日鬼風寒 黑水沉沉穴地看  
除卻拱都王比

部遊人只解說三盤

又先師臺

招提袤砌倚山巔塊石穿成瀑布泉好是牧樵能解  
事翠華臨幸說當年

又六王砦

誰壘雄峰最上頭不知經歷幾千秋我來擬向青天  
問匝地蒼烟可耐愁

又

摩古蒼厓字不周空教人想舊風流樵夫笑我緣何  
事日日山頭弄石頭

盤山志卷十

入盤山

德  
意

真見盤山勝巍然壯薊門奇峰齊日面怪樹插雲根  
未過中盤寺先經亂石邨臨流貪濯足不覺已黃昏

盤山

徐無山勢似龍蟠環抱漁陽作壯觀窈窕林巒藏入  
石參差厓磴列三盤風來古寺鐘聲出雲到重巖日  
影寒乘輿捫蘿尋勝迹登高那復畏巔巔

登自來峰望薊門

高步自來峰迢然清興永雲侵塔影寒松映山光冷  
隱顯見孤城高低環翠嶺箇中絕勝觀迥出塵勞境

山中口占

山秀石多怪林深路轉奇三盤無限意幽絕少人知

又

境邃龍潛甲山靈佛現燈古今名勝地豈止半千僧

同洪昉思徧歷盤山之勝

德風

先生自悔入山遲正是春光向莫時策杖尋芳紅爛熳捫蘿踏翠綠參差厓邊雲氣晴偏好樹裏鐘聲晚  
夏宜此日相攜同眺望幽懷猶約後來期

辛未夏希禪人來自盤山盛有所稱引余抵京

華臥病八載未得一遊聞寺澗和尚輒山志

盤山志卷十

古

歌此就正兼以寄慨

明道

梅雨經旬天始霽茅屋苔錢繡滿地午窻謾謾灑松  
風幽睡忽驚庭犬吠上人近日下盤山蒼翠猶銜衣  
祇間口述山中多勝槩使余病體卽輕快心神恍惚  
凌絕巔紺宇琳宮到眼前又聞青溝禪寂翁闢荆伐  
木成梵宮不出此山二十載方來識者高其風邇來  
定起操筆硯冑將靈祕通一綫神州他日播斯文何  
人不覩盤山面

望盤山

常鑑

秋光偏在潞河東目極蒼烟望不窮好似畫圖人境

外幾多山寺白雲中

遊盤山呈拙菴和尚

四正旁礪京之東，嶽巖邃峪開洪濛。  
玉壘八石嵌雲表，異狀奇形信鬼工。  
聞昔田疇肥遯此，此山得名良有以。  
又聞寶積住其中，龍象奔馳非偶爾。  
迄今列刹如星分，齋魚粥鼓驚相聞。  
浮圖高矗層霄上，神燈靜夜出松雲。  
中有幽人忘寵辱，二十年來遠塵俗。  
道行孤清感至尊，青溝片席流芳躅。  
我來瓢笠偶經行，怪石蒼松倍有情。  
何當卜得三椽地，嘯月吟風了此生。

盤山志卷一

